

# Viaghji

*Evocation poétique du voyage comme métaphore de la vie du groupe comme de chacun.*

Da scopre venti simu nati  
Cum'è l'acelli benedetti  
Chi si lasciani nidu è tetti  
Quand'ella vene l'inguernata.  
Quand'ella vene l'inguernata.

Simu sempre à valisge fatte  
Simu sempre à mezu à le mosse  
Pocu ci impremenu le scosse  
E pocu dinù le disfatte.  
E pocu dinù le disfatte.

## *Ripigliu*

Simu di quelli di partenza  
Simu di quelli di vultata  
Cusi rinova l'abbracciata  
Cusi ribomba la speranza.

Cum'elli sò belli i viaghji  
L'avviò li treni è li batelli  
E di stradò di i riturnelli  
Cù centu milla paisaghji.  
Cù centu milla paisaghji.

E po li cavalli d'idea  
I più maravigliosi sogni  
I più primurosi bisogni  
A nostra più bella epupea.  
A nostra più bella epupea.

## *Ripigliu*

Simu di quelli di partenza  
Simu di quelli di vultata  
Cusi rinova l'abbracciata  
Cusi ribomba la speranza.

Ma chi ci moverà le voglie  
Chi ci mette l'ale à i pedi  
E ci accarezza vulinteri  
Cum'è l'acqua nantu à le foglie.  
Cum'è l'acqua nantu à le foglie.

Quand'ella corre liberata  
Ch'ella canta e so canzone  
Nantà a ringhera di u balcone  
E ch'ella leva una ventata.  
E ch'ella leva una ventata.

### *Ripigliu*

Ghjacumu Fusina \ Ghj.F. Leschi.  
Canta u populu corsu